

مجموعه ابو الضیاء

ما-وا شایسته سندن دلی تطهیر چانش
بر تو حکمت و عرفان الله تویره آتش

علوم و معارفدن بحث ایدر. و هر ماه عربی ابتداسیله اون بشده نشر اولنور مجموعهدر.

عدد ۲۷ - جلد ۳ [فی غربہ صفر سنہ ۱۳۰۰] [نسخہ سی ۳ فروش

اسکندریه شہریله اہالی قدیہ سی

اسکندر ایله - مؤخرأ هر بری ممالک مفتوحہ سندن پریشہ حکمدار
اولان - جنراللری طرفندن تأسیس ایدلمش یکریمی قدر شهر واردر که
(اسکندریه) نامی ویرلشدر . فقط مرور زمانله دیکرلری برر بر خراب
اولدیغی حالده یالکنز بر دانه سی مالک اولدیغی ثروت طبیعیہ و اہمیت
موقعہ سیله کویا خلق عالمک نظر غبطہ ودقتنی کندیسندہ جلب ایتک
ایچون بوکونه قدر حفظ معموریت ایشدر .

اسکندر مصری استیلا ایتدکدن صکرہ نیل طریقہ (مارہ اونیس)
کولنک دکزدن بر اینجہ طور اراق ایله آیرلمش اولدیغی محله وصولندہ
(فاروس) (*) آطہ سنی مشاہدہ ایله اورایہ کندی ناهنہ اولہرق بر شهر
بناسنی قصور ایشندن خریطہ سنک تنظیمی مهندس لرینہ امر ایش ایدی .

(*) فاروس اسکندریہ ثیمانی قریبندہ بر کوچک آطہ ایدی . میلاددن ۲۸۵ سنہ
مقدم واسکندریہ نک تأسیسندن ۴۷ سنہ صکرہ جزیرہ مذکورہ بر ریختم واسطہ سیله
قاریہ الحاق اولنش و درونندہ یوکسک بر قلعہ انشاسیله تہہ سنہ کیلرہ رہنمائی ایتک
اوزرہ کیچسدری فنار ایقاد ایدلمش ایدی کہ بناسنک جسماتی جہتله عجائب سبعہ
عالمدن معدود ایدی .

لسان یونانیدہ (فاروس) فنار معناسندہر . فقط (فاروس) لفظی بوآطہیہ
فنار مناسبتیلہ می یوقسہ بونوع فنارلرہ (فاروس) آطہ نک اسمندن طولانی اطلاق
ایدلمشدر بوراسی مشتبہ فہمدر .

مهندس لر ایسه یا نلرنده ادوات هندسیه حاضر بولنماسندن بر سطح
 مستوی اوزرینه بر مقدار دقیق دوشه یهرك شهرك لازم كلان جهتلرینی
 بوصورته تعیین ایشلردر . بوصرده ایسه ذکر اولنان دقیق مفروشك
 اوزرینه برچوق قوش اوشوشه سیله اسکندر بوحادثه بی تأسیس اولنه جق
 شهرك سکنه ارضك زیارت ومسافر تیله فوق الغایه معمور برکشور اوله جفته
 فال عد ایتسیله همان انشاسنی امر ایشدر . (قبل المیلاد ۳۳۲)
 شهر ایکی محله یه منقسم ایدی . برینه (راقوتیس) تسمیه ایدرلردی که
 خلقه مخصوص ایدی . دیگرینه (بروشیوم) دیرلردی که سرای
 محله سی ایدی .

اسکندریه بطالسه ایله رومالیرك زیر اداره سنده بولندیغی مدته
 ثروت ومعموریتجه روی زمینك برنجی درجه ده کی بندر کاهلرندن ایدی
 باخصوص رومالیر زمانده ۹۰۰ پیک نفوسی حاوی اولوب او عصرده
 ایسه رومادن صکره دنیانك الك برنجی معموره سی ایدی .
 تأسیسندن ۹۷۱ سنه صکره یعنی ۱۹ سنه هجریه سنده طرف فاروقدن
 مأمور ایدیلان سرعسکر مشهور عمر بن العاص طرفندن مصرله برابر
 قح اولمشدر که اوتاریخده اولکی معموریتی نصفی درجه سنده کسب زوال
 ایش ایدی . فقط عربلرک مغیلانزار جهل ونادانی اولان یرلی پیله کلزار
 علم و عرفان حالده کتیرمکده کی معرفتلی دشمنلرینك دخی مصدق اولدیقتندن
 اسکندریه کی کرک موقعاً و کرک طبیعه اهمیتتی معلوم اولان و باخصوص
 عربك ام دنیا تسمیه ایتدیکی مصرك دکز قیوسی بوانسان بر بلده بی نه
 مرتبه لده نظر تقدیره آلدری وامرا عمارینه نه رتبه اعتنا ایتدیری لازم کله جکی
 محتاج ایضاح حاللردن دکلدر بناء علیه خطه مذکوره یه اسلام پای انداز
 اولدیغی کوندن تا عباسلیرك دور انقراضنه قدر کرک مصر و کرک اسکندریه
 معموریت سابقه سی محافظه ایش در . فقط مؤخرأ فاطمیلرله ممالکه اللرنده
 بولندیغی عصر زده کثرت مظالم ایله کیت کیده خراب اولمش و باخصوص امید

بورنیک کشفیه اوروبادن هندستانه بر طریق جدید آچلسندن طولای
 و قتیله اسکندرک شهر مذکورہ توجیه و بطالمہ ایله رومالیرک توسیع
 ایلدیکی تجارت عمومیہ بوسبیلہ وجهہ عزیمتی تبدیل ایلندن اسکندریه
 دخی اسکی عظمت و اهمیتی و بوندن طولای دخی بقیہ معموریتی غائب
 ایتمش ایدی . فقط زمانزده سویش قنالتک کشادی سبیلہ امید بورنی
 طریق و قتیله او طریقک کشفنده اسکندریهک اوغرا دیغی حاله کرفنار
 اولمش و اسکندریه ایسه اولکندن زیاده پیدای اهمیت و اهمیتی نسبتنده
 کسب معموریت و ثروت ایتکده بولمشدر .

وولتر ، قاموس فلسفیسنده درکه اسکندریه خلقی هر هانکی حکومت
 اداره سنده بولمشلر سه اخلاق اصلیه لرینی محافظده شبات ایتشلردر .
 آنلرک اخلاق صنایع ایله اشتغال ایتکله برابر تجارت عائد تجداته میلاندن
 و برجسارت جزویه ایله عربده جولغی اعتیاددن و عقائد باطله ایله اتباع
 و فوق الغایه دینه جک درجه لده شهوات و سفاهااته انهما کدن عبارت
 ایدی که بو حاللری هیچ بر زمانده کسب ضعف و زوال ایتماشدر .

مقدما اسکندریه اهالیسی قبطی (*) و یونانی و یهودیلردن مرکب
 ایدی که ایتداری کافه سی مبتلای فقر و احتیاج ایکن پک آز زمان
 مرورنده تجارت سایه سنده نائل ثروت و سامان اولمشلردر .

ثروت اهالی مملکتده صنایع بدیعه و علوم و ادبیاتی جلب ایتکله
 قلوب ناسده مباحث علمیه میل و هوس پیدا اولمشیدی . بوسایه ده بر
 انجمن علوم ایله مکمل بر کتابخانه وجوده کتیردیلر .

(*) اصطلاحزده چکانه معناسنه اولان قبطی (اکیتین) محرفی در . زیرا
 مصرک نام قدیمی (اکیت) اولوب عربلر قبط و نسبته قبطی دیدیلر .

موسویلر (بویاست) ده کی معبدلری کبی اسکندریه ده دخی غایت مکلف و مزین بر عبادتخانه انشا و کتب دینیه لرینی او زمان عموماً اهالیسک لسان مادرزادی یرینه قائم اولان لسان یونانی به نقل و ترجمه ایلدیلر . خرسستیانلر دخی شهر مذکورده متعدد مؤسسات دینیه و علمیه مالک ایدیلر .

یرلیلر یعنی مصریلر ایله اجنبی اولان یونانیلر و یهودیلر و باخصوص بواوچ ملت افرادندن مؤخرأ دین عیسوی بی قبول ایله خرسستیان نامنی آلمش اولانلر میانده او درجه ضدیت وار ایدی که هر نه زمان بر فرصت دوشسه بر لرینی نزد حکومتده غمز و اتهام ایتکدن کری طور مزلردی . بومثللو منازعات و اتهاماتک و فرقی حسبیه محاکم مصریه ده اخذ و استیفا ایدیلان (خرج دعاوی) عادتاً حکومت محلیه ایچون اهمیتلی بر ایراد تأمین ایش ایدی . حتی بعض کره اقوام مذکورمک بومنافرت متقابله سی یوزندن ایجه مهم فسادلر دخی ظهوره کلشدر .

هله (فالغولا) نام روما ایمپراطورینک عهدنده ظهور ایدن بر اختلالده (کندیلرینه متعلق خصوصاً ده عجلردن زیاده مبالغه بی اولان) یهودی مورخلرینک روایتنه نظراً اسکندریه لیلر الی بیک نفر یهودی قتل و اعدام ایتشلردر . و حتی مشهور اسکندریه کتابخانه سی دخی بویله بر اختلال عظیم ائساننده محترق اولمشدر .

پانتق، اورژین و قله مان نامنده اوچ قسیس طرفندن اسکندریه ده تأسیس ایدیلان نصرانیت بالتدریج کسب افراط ایده ایده نهایت دین و مذهب حالندن بر پولتیقه مسلکته تحول ایتشدی . خرسستیانلر قبطیلرک عادات و اخلاقی اکتساب ایتدیلر . حاصلی مذاهب و ادیان مختلفیه تابع اولان اسکندریه اهالیسک بر خلق عومیمی وار ایدی؛ او ایسه طمع زر و سیم ایدی .

مؤرخیندن (وویسکوس) اوزمانلرده یازدیغی تاریخده روما

ایمپراطور لرندن (آدریا) نك قونسلوسی سروریانوسه یازدیغی بر مکتوبی
درج ایتشدیر که محتویاتی او وقتکی اسکندریه اهالیسنك اخلاق و عاداتی
يك كوزل تصویر ایتشدیر .

صورت مکتوب

« سوکیلی سروریه نم !

مدایحی ورد زبان ایتدیكك او معهود خطه مصریه یی کوردم .
کافه احوال و خصوصاتی عادتاً از برلدم . بو خلق عموماً خفت مشربه
مبتلا و تبدلات و تحولاته فوق الغایه مائل و منهکدر . سرایسه (*)
پرستش ایدنلر خرسیتیان اولیورلر . خرسیتیانغه ریاست ایدنلر دخی برآز
صکره سرایسه عرض عبودیت و بتخانه لده اجرای عبادت ایدیورلر .
هیچ بر راهب ، هیچ بر سماریت ، و هیچ بر کاهن یوقدر که منجملک و معبرک
ایله مشغول اولسون . روم بطریق (**) اسکندریه یه کلدیکی زمان
بعضیلری کنديسنی سرایسه و بعضلری عیسایه طاویدیرمق ایچون یاتنه
عزیمته مسارعت ایدرلر . افراد اهالی کافه مائل نزاع و فساد اولدقدن
بشقه فوق الغایه خفیف المشربرد .

شهر بر بیوک تجارتیه و نفوس کثیره یه مالک (۱) برکشور ذی ثروت
و ساماندر . هیچ کیمسه بوش طور رمز . برطاقی جام اوفیلدرك شیشدر
تصنیع و برطاقی دخی یاراقلری طوبلایوب کاغذ اعمال ایدر . هر صنعت
مالک اولدقلری کوریلور ؛ و فی الحقیقه هر صنعتی تحصیل ایتشلردر .

(*) سراییس اسکی مصریون عندنده مالک جمع ایدی .

(**) بو بطریقدن مراد راهبر . زمانده خرسیتانلرک رئیس روحایلرینه
عم اولان بطریق عنوانی بشخی عصرده ایجاد ایدلمشدر .

(۱) او تاریخده اسکندریه ۹۰۰,۰۰۰ نفوسی شامل ایدی .

قوللرینه و یا آياقلرینه اصابت ایدن نزول بيله کندیلرینی معطل ایده میور.
اعمالی بيله چالیشیور. بوشهرده (پاره) بر معبود مشترکدر که آکا خرسقیان
یهودی، پیرست حاصلی بلا استثنا عموماً افراد پرستش ایتیکده در.»

امضا

آدریا

بیانغو

بیانغو دنیلان بازیمجه طالع اون طقوزنجی عصرک محدثانندن
دکلسده اون طقوزنجی عصرده مستولی اولان غلل ساریه مدینه دندر.
پارس، ویا نه و برلین سوقاقلرینک دیوارلنده سنه ک مواسمه
بیانغو اعلانلندن بشقه برشی کورولمز. بعض اعلانلرده ایسه بیانغونک
یا بر مکتب و یا برخسته خانه و یا امور خیریه دن بر تأسیس نافع نامنه اوله رق
کشیده اولنه جغه دار ایضاحات کوریلور سده بو درلو مواعیده تمامیه
امنیت ایتک بیانغوری ترتیب ایدن جمعیتلرک مسلاک وشانه واقف
اولانارجه ناقابلدر. چونکه بیانغورک (روایت) یعنی - ایکی معناسیله ده -
فرلداق دنیلان قار او یونی قدر جمعیت مدینه بی اضرار ایتدیکنده قطعاً
شبهه ایدله ملیدر. باخصوص افرادک اجرا ایتدیکی قار بر درجده قدر
عالم خفاده جریان ایتدیکی ایچون مضرتی دخی بالنسبه اهنودر. فقط
بیانغور علانته چیمش بر قار دیمک اولدیغندن مضرتلری دخی عومیدر.
بناءً علیه هر حکومت ممالکنده بیانغورک تأسیسنه رخصت اعطا ایله جکی
زمان احتیاطی الدن بر اقامغه و امتیاز ویره جکی شخص و یا شرکتک
احوال و مقاصدینی حاده تدقیقندن کچیرمکه و بناءً علیه مهیا امکن عامه بی
اضراردن محافظدیه اعتنا ایتلیدر.